

差遂致五帝之反虧仁義禮智之節傷金木  
土大之行鬼責人非天灾物累星辰凌犯推  
運數之屯奇業本休囚致身宮之滯塞陰陽  
為寇寒暑乖和莫逢世道之亨知自人為之  
誤奉道某洗心謝過責已畏威遵璿軸以鋪  
陳締星壇而延佇伏乞霄宸上聖象緯羣真  
特施渙汗之恩曲救賁盈之咎調平星度安  
鎮乾文三命五行悉錫於戰剋列星七政同  
賜於休祥躔角而壽考耄眉歷尾而嗣昆繁  
衍心宿篤父子室家之好房星固關鍵管籥  
之機南斗威而爵祿行東壁明而賢能舉奎  
為武庫罔或不充胃為天倉咸臻有衍畢躔  
絕踰垣之盜鬼藏無敵室之妖其歛而口舌  
消虛暗而凶表張盡一天而徧告佑舉室以  
咸宜上願

國壽延洪帝圖悠久時和俗阜物富人安式  
臻五紀之和各遂羣生之性上明  
天尊廣濟之澤下副且等皈嚮之誠謹啓以  
聞

十二願

復爐

謹攝香官使者左右龍虎君侍者諸靈官當  
今日向來建壇行道之所自然生金液丹碧  
芝英百靈眾真交會在此香火爐前當願十  
方仙童玉女接待蘭煙傳且向來所啓之誠  
速達徑御

至真無極大道

昊天玉皇上帝 御前

出堂頌 出戶

道門科範大全集卷之四十六

道門科範大全集卷之四十七

廣成先生杜光庭刑定

解穰星運儀

設醮行道

法事陞壇如式

各禮師存念如法

宣衛靈呪

東方

九炁青天明星大神 煥照東鄉 洞映九門  
轉燭陽光 掃穢除氛 開明童子 號曰玄卿  
備衛我軒 上對帝君 收魔束妖 討捕兇羣  
奉承正道 赤書玉文 九天符命 攝龍驛傳  
普天安鎮 我得飛仙 與道合真

南方

三炁丹天 煥景流光 熒星轉燭 洞照太陽  
上有赤精 合契虛皇 開明靈童 號曰華房  
總統火兵 備守玉堂 斬邪束妖 剪截魔王  
北帝所承 風火莫當 流鈴交煥 翊衛壇場  
正道流行 敢有已狂 我享上功 坐運魁罡  
億劫長存 保天無疆 與道合真

西方

七炁素天 太白流精 光耀金門 洞照太冥  
 中有素皇 號曰帝靈 保神安鎮 衛我身形  
 斷絕邪源 王道正明 官殿整肅 三景齊并  
 道合自然 飛昇紫庭 靈寶符命 普惠萬生  
 元皇正炁 來合我身 功加一切 天地咸寧  
 和與道合真

北方

五炁玄天 元始徘徊 辰星煥爛 光耀太微  
 黑靈專神 號曰層威 統冠飛天 仙裙羽衣  
 備衛五門 檢精摘非 敢有干試 豁落斬摧  
 玉符所告 神鎮八威 邪門閉塞 正道明開  
 映照我身 三光同輝 策空駕浮 舉形仙飛  
 和與道合真

中央

一炁黃天 調理乾坤 陶鑄陰陽 總統玄真  
 鎮星吐輝 流煥九天 開明童子 號曰天璘  
 元炁陽晶 焰上朱烟 洞照天下 及臣等身  
 百邪摧落 殺鬼萬千 中山神呪 普天使然  
 五靈安鎮 身飛上仙 和與道合真

鳴法鼓二十四通

無上三天玄元始三炁太上道君太上老君  
 召出巨身中三五功曹左右官使者左右捧  
 香驛龍騎吏侍香金童傳言散花玉女五帝  
 直符直日香官合三十六人出出者嚴裝顯  
 眼冠帶垂纓關啓玄壇土地方域神真且今  
 陛壇設醮行道謹奉為入查其諸誠懼已錄  
 告聞願得

太上十方至真道炁靈寶瑞光下降流入且  
 身中令且所啓速達徑御

至真無極大道

昊天玉皇上帝御前

請稱法位

具位且其等謹虔誠上啓

虛无自然元始天尊太上大道君太上老君

昊天玉皇上帝九皇至尊十方上聖三十六

部尊經玄中大法師日月九曜星君南辰北

斗二十八宿周天玄象本命元辰星君三界

應感一切真靈且間剖判混茫肇分清濁二

儀列位九曜流輝生成垂不宰之功照燭著

無私之德古今不紊曆象攸專所以順軌循

常則君臣蒙福謫見垂戒則家國同休靈化

克彰神功斯在天道不遠有感必通聖鑒匪

遙無祈不應醮官某以星辰行度有所照臨

伸棲蟻丹誠懼為災厄憂勞炯戒虔仰至真

惟切禱祈冀蒙福祐且等竊尋經首河圖有

披告之文檢閱真科靈寶有懺祈之典敢緣

慈訓式備醮儀延降尊靈祀崇真聖伏願下

哀凡請俯降道場天光一臨萬生抃悅且與

衆等無任瞻望聖駕激切屏營之至誠惶誠

恐稽首再拜恭迎

聖駕

降真 獻茶

初獻 散花

重稱法位

具位且其等謹同誠上啓

九皇至尊十方上聖五星六曜三界威靈且

聞天陽地陰一合而成象月盈日具互用以

正時分五緯以專司行周天而有度或重輪

表瑞或聚舍發祥或為至德之符上廣無私

之照依謹順軌為治象之光變色作災昭示機微之朕休戚上關於邦政裁祥亦係於民生某有命在天交食乎地際六合而視已何啻蟻蟻均一悉以稟形忍同草木粗知為善之取樂終以寡過而未能神暨其盈會交此而賜罰帝臨有赫因迷復以降災尚通解謝之門俾迪亨嘉之運爰遵道範肅敬星壇騰精悃於鈞天降光靈於玄象且今闕奏敢不上聞

宣詞 亞獻

○ 諱詳詞語灼見欽崇太上巍巍荷俯臨於法席眾真濟濟咸拱侍於虛皇諒昭鑒於悃悃必加憐於懇請伏願正璿機於玉斗撫經緯於天圖消五行衰敗之災解三命凶危之數增長補短去危即安克膺耆艾之年永息災凶之運且等不任祈懇之至酒陳終獻

散花

臣謹虔誠上啓

虛无上聖九曜尊星且間垂象上穹照臨下土金木水火假休王以立功春夏秋冬任推

遷而成歲以康家國以福生靈大哉神休光贊天地尚慮分野之內有鈞己凌犯之期躔次之中有遲伏留逆之數大則災纏郡邑為兵水旱蝗少則禍及行年為凶衰疾厄兢兢憂懼冰炭在懷深恐履行多違操守乖悞六情積咎三業成非既積罪尤更逢厄會善功難著惡作易興非託醮祈無由洗滌是敢肅恭香大精備懇筵仰紫府以冥心望丹青而稽首盡投素悃罄露凡情伏乞

○ 衆聖哀憐列星憫護降以真炁陶以太和照以靈光沐以神澤流恩降福解厄消災和順五星均明四景無凌犯之變無薄蝕之虞萬象咸寧百穀時稔五兵戢息四序調平君聖巨忠人安物泰某或行運之內宮宿之中使災不橫生妖無妄作一十二宮之分各保休祥二十八舍之間永無氛沴六星南紀司命增延壽之文九府北元太專錫長生之簡三光齊景萬善咸臻若懸官某有過咎災厄在太陽災惑二宮者請以赤帝真文為解穰之有過咎災厄在太陰辰星神首神尾四宮者

請以黑帝真文為解穰之有過咎災厄在歲星宮者請以青帝真文為解穰之有過咎災厄在太白星宮者請以白帝真文為解穰之有過咎災厄在鎮星諸曜星宮者請以黃帝真文為解穰之即使眾厄自消千災自殄神安體豫益筭延齡福祿惟新凶衰不作眷屬亨泰公私利宜門宇興隆云為叶泰蒙如所請永荷洪恩且等無任穰謝之至誠惶誠恐稽首再拜獻湯

祝真文 宣疏

○ 臣謹重誠上啓  
九清上聖三寶真靈乾象列星坤儀主宰今則禮成清夜詞達昊穹金闕真遊駐駕車於塵世瑤霄上象迂法從於星壇心方切於欽承儀已臨於寅餞情不隨於文祝願效進修凡自與於仙違徒深依戀冀垂垂救允納虔祈忱真衛以言旋睇清光而順拜且等不任攀戀之至奉辭仙駕

發願

復爐

香官使者左右龍虎君侍香諸靈官當令臣向來設醮之所自然生金液丹碧芝英百靈眾真交會在此香火爐前當願十方仙童玉女接侍蘭烟傳巨向來所啓之誠速達徑御至真無極大道

昊天玉皇上帝御前

送聖 焚燎

道門科範大全集卷之四十七

道門科範大全集卷之四十八

廣成先生杜光庭制定

運星醮啓祝儀

靜夜陞壇

法事如式

具位上啓

十一大曜星君十二宮尊神某本命星官大

聖黑符星真君合座眾聖伏望聖慈俯從凡

懈以今奉為入意切以清氣為天布日月星

辰之像濁氣為地列女男禽獸之姿日月薄

蝕則天下靡寧男女構屯則高穹所繫人達

禍福星實綱維非託薰修安能上告某災星

在運憂患頻臨敬推中赤之誠虔叩玄黃之

曜冥心稽首感天心惠愛於凡情香篆凌空

祈帝德消除於厄會災衰度脫福壽昌隆自

天祐之德施溥也但其下情不任虔祝之至

次引醮官逐位行香 告星

日宮

具位上啓

日宮太陽帝君宮下仙眾伏以日輝盛大主

太陽宮居星為眾象之尊主世照萬生之命

形覓天地掌握陰陽金烏晝夜之巡行蒼昊

主司於善惡每承運照寔荷生成謹備香燈

廣伸膏奉伏冀分輝照耀暗察衰危希紀筭

以堅強望福祿而增廣願依丹悃永荷洪恩

爰有祝文謹當宣奏符况

太陽真君呪

東望扶桑宮 稽首朝鬱儀 太陽洞明景

寥寥何所思 令我拜金色 候天望英姿

皇華將玉女 臨軒降此時

月宮

具位上啓

月宮太陰皇君侍從仙眾伏以月宮至聖紫

光上真主北極之陰關掌人身之右魄巡遊

不住輝照無窮明分短長顯示善惡動靜實

由於斟酌舒張全繫於行方致吉凶而有缺

有圓降禍福之無差無忒今則特伸丹禱願

賜鑒觀遵太上之真符赦生靈之罪咎俾醮

主某福如滄海壽等椿松災害不生尊卑寧

謚願依凡悃不負